



# Synfocity = 710

mail us at : mzsynfo@gmail.com; mizoramsynod@gmail.com - Phone - 2314648

November 8, 2018

- ❑ **Synod Committee peng hrang hrang an thu**  
 Synod Inkhawmpui atana Synod Department hrang hrangte inruahman lawkna Committee chu Oct. 22, 2018 (Thawhtanni) atang khan neih chho zel a ni a, Nov. 5, 2018 (Thawhtanni) khan Trust Committee an thu a, Nov. 6, 2018 (Thawhlehi) khan Synod Social Front Committee thu-in Nov. 7, 2018 (Nilaini) khan Worship Committee an thu leh a ni. Nov. 13 - 15, 2018 chung hian Synod Executive Committee (SEC) an thu leh ang.
- ❑ **Administrative Training neih a ni**  
 Nov. 3, 2018 (Inrinni) khan Administrative Training Tlabung Chawnpui Bial leh Tlabung Zodin Bial huapin Tlabung Chawnpui Synod Home Mission School Hall-ah neih a ni a. Kohhran Hruaitu mi 160 an tel thei. Training neihpui tur hian Rev R.C Lalngakliana, Chhimbial Administrative Secretary, Rev C. Lalduhawma leh Upa Vanlalrawna Chhim Bial Working Comt Member-te an kal a, Pathianni zanah Kohhran hrang hrangah hun an hmang nghal a. Training-a kal ten hlawkpui an inti hle a ni.
- ❑ **Praise On 2018**  
 Synfo Praise On 2018 Final Round neih mek a ni a, final round hi zan hnih intihsiak tur a ni a, a zan khatna hi Nov. 6, 2018 (Thawhlehi) zan khan Kristian Hla bu-a mi hmangin intihsiakna neih a ni a, zanin (Nov. 8) zan hian anmahni hla duh zawng hmangin intihsiakna neih leh a ni ang.  
 Nov. 9, 2018 (Zirtawpni) zan dar 8:30-ah Mission Veng Kohhran Hall-ah Result puan leh lawmman semna hun hman tur a ni. Intihsiakna hi Hruaina Eng Channel (LPS & Zonet)-ah Live a pekchhuah thin a ni a, Youtube Hruaina Eng-ah Live Streaming pekchhuah a ni bawk.  
 Synfo Praise On 2018 hi Beat Group intihsiakna a ni a, Mission Veng Kohhran Hall-ah neih a ni. Sept. 18 & 19, 2018-ah Round I neih a ni a, Oct. 16 - 18, 2018 chungin Round II neih leh a ni. Praise On 2018-ah hian Branch hrang hrang tangin Band 55 an tel thei a ni.
- ❑ **Finance**  
 Nov. 10 & 11, 2018 hian Pangbalkawn Bialah Fianance Campaign neih a ni dawn a, Upa P.C Vanlalrova, Synod Office leh Campaigner-te - Rev. R. Lalengmawia, Rev. K. Lalhmuchhuaka leh Pu V. Thanghuama te an kal ang.
- ❑ **Chhim Area pual Political Education Seminar**  
 Vawiin (Nov. 8, 2018) hian Chhim Area pualin Political Education Seminar, Lunglei Venglai Kohhran Hall-ah neih a ni.  
 Seminar hi hun hniha hman a ni a, hun khatna hi Rev. R.C Lalngakliana, Administrative Secretary, Chhim Area-in a kaihrui a, "Ram Rorelna Tha nei tura Kohhran Mawhphurhna" tih thupui Rev. Zoramanga ziah zir ho a ni.  
 Hun hnihna hi Rev. K. Zonunsanga, Lunglei Venglai Pastor Bial vawngtu-in a kaihrui a, "Ram Rorelna Tha nei tura Mipui mawhphurhna" tih thupui Rev. Dr. Lawmsanga ziah zirho leh niin sawihona neih zui nghal a ni.
- ❑ **Kohhran Hmeichhia**

  - ◆ Nov. 6, 2018 (Thawhlehi) zan khan Kohhran Hmeichhiaten Rampum huap tawngtai hun an hmang a. Rampum huap tawngtai hi kum dangah chuan tlaivara neih thin a ni a, amaherawhchu Kohhran Hmeichhe Rorel Inkhawm wawi 9-na chuan Tawngtai tlaivar tih chu Tawngtai zan tihin a thlak ta a ni.  
 Rampum huap tawngtai zanah hian thupui hrang hrang thlansa hmangin tawngtai a ni a, Pathian hnena lawmthu sawina, Mahni inhlantharna, Sual thupha chawina leh ngaihdam dilna, chungkaw tana tawngtaina, kohhran hmeichhe rawngbawlina, Kohhran rawngbawlina, Ram leh hnam tan, Thlarau Thianghlim a siamtharna leh Chanchin Tha puan darhna lam hmang te in tawngtai a ni.
  - ◆ Nov. 10 & 11, 2018 hian Suanpuilawn Bial leh Khawruhlian Bialah te Leadership leh Kristian Chhengkaw Campaign neih a ni dawn a, Central Kohhran Hmeichhe Committee-te hetiang hian an kal ang.

Suangpuilawn Bial - Pi K. Lalliantluangi, Chairman,  
 Pi R. Vanlalruati, Committee Member  
 Pi B. Bualchhumi, Committee Member

Khawruhlian Bial - Pi Lalrinpuii, Treasurer  
 Pi C. Thanthuami, Committee Member  
 Pi Zangeni, Committee Member

Contd..

❑ **Worship Deptt.**

Nov. 9, 2018 (Zirtawpni) hian Hnahthial-ah Zai Hruai training neihpuiin Pu Lalromawia, Senior Instructor leh Upa Thanghuta, Dam Veng te an kal ang.

❑ **FG&CC**

Nov. 9 - 11, 2018 chhung hian Farkawn Bialah Rawngbawltu Seminar, Kristian Chhungkaw Seminar leh Campaign neih a ni a, FG&CC Director Rev. Lalsangbera leh Campaigner -te - Rev. Vanlalmuanpuia Kiangte, Rev. Dr. H. Vanlalruata, Rev. K. Lalrammawia, Rev. Ramnghinglova, Rev. PB Zosangthara leh NI Esther Lalkhawngaihdaungkimi te an kal.

❑ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Rengtekawn	Damlo	1	Rs. 8,000/-
2.	Thinghlun	Kangmei tuar	1	Rs. 10,000/-
3.	Chhiahtlang Venghlun	Damlo	2	Rs. 16,000/-
			<b>TOTAL</b>	<b>Rs. 34,000/-</b>

❑ **Zin**

♦ Nov. 9, 2018 (Zirtawpni) hian Kolkatta-ah Serampore Bi-Centennial lawmna hmanpui turin Rev. F. Lalrinnunga, Synod Moderator, Rev. Lalramliana Pachau, Senior Executive Secretary leh Upa R. Dengzikpuia, Synod Secretary te an kal.

♦ Nov. 10 & 11, 2018 hian Tuidam Kohhran tlawh turin Rev. P.C Pachhunga, Executive Secretary, Upa C. Lalbiakthanga leh Rev. K.C Vanlalduha te an kal ang.

♦ Nov. 10 & 11, 2018 hian Kawnpui Hmarveng Bialin Hla Kutpui an hmang dawn a, Upa Lalrinmuana, Superintendent, Synod Office-in a hmanpui ang.

♦ Nov. 9 & 11, 2018 hian Ambassa, Tripura Synod tlawh turin Rev. R. Lalnuntluanga, Statistician leh Upa C. Lalthianghlina te an kal ang.

❑ **Hruaina Eng TV Programme**

**Susamachar Prasaran Programme**

♦ **NOVEMBER 11, 2018 (Pathianni) 5:00 pm. :**

Group/Choir/Solo : Luangmual Vengthlang - Tumhara Mann Biakul Na Ho, Group/Choir/Solo : Champhai Vengthlang Pastor Bial - Hamara Kal, Sermon : Rev PC Rohlira - Parmeswar Ke Samit Rahena, Group/Choir/Solo : Siyon Swaram - Tere Charno, Group/Choir/Solo : Vaivakawn Kohhran - Jay Jay Prabhu

♦ **NOVEMBER 11, 2018 (Tv Programme) @ 4:00 - 6:00, 8:00 - 9:00 p.m) :**

Weekly Round Up, Praise On 2018

❑ **Moderator Programme**

Nov. 11, 2018 Pathianni Zan Maubawk Sikul Veng Kohhran Maubawk Bial

**HRIATTIRNA**

MLA General Election November 28, 2018-a neih tur leh Synod Executive Committee inruual chu Synod Officers Meeting chuan ngun takin a ngaihtuah a. SEC Member ten vote kan thlak theuh theih nan leh committee tuang taka kan neih theih nan SEC neih hun atan November 23 & 24, 2018 a ruat a.

Hemi rual hian Synod Finance Committee neih hun pawh ni khata sawn hmam November 19 - 21, 2018-a neih turin OM chuan a rel a ni (OM 16:12 of 3.11.2018).

He thu hi SEC leh Finance Committee member ten lo chhinchhiah tura beisei an ni.

Sd/-

(Upa R. Dengzikpuia)  
Secretary  
Mizoram Synod

**HRIATTIRNA**

Synod Mission Board chuan Masihi Sangati Kendra hnuaia thawktu tur Evangelists a la dawn a. Dilna hi plain paper-ah ziakin November 20, 2018 tlai dar 4 thleng Masihi Sangati Kendra, Bawngkawnah thehluh theih a ni ang a. November 23, 2018 zing dar 7-ah Synod Committee Room number 1-ah interview tur a ni ang. Diltu chuan hnamdang tawng Hindi/Bengali emaw tal a thiam tur a ni

Director, Masihi Sangati Kendra